

Noorõ' poimsõva' Uma Pido kuvvõ kilomiitre võrra lähembäle

Kümne Põlva maakunna nuurikeskusõ noorõ' poimsõva' võrokeelitse laulu- ja rahvapido Uma Pido tarbõs neli tuhat käepaila, tuus pruugiti är kuus kilomiitret langa. Päält tuu sai oppajidõ abiga valmis ka 200 heegeldedü rosetti laulurahva dirigentele ja juhtõlõ. Käepailus ja rosettes pruugiti kolmõ värvi - hellesinine, tummõpruun ja indigosinine - nuu' omma' vana' Põlva kihlkunna pruntsitriipõ värvi'. Uma Pido tulõ 29. mail Põlvan Indsikurmun.

Märtsikuun kutsõ Uma Pido toimkund nuuri appi tegemä seo aastaga pido laulurahvalõ käepailu ja dirigente rõnnamärke. Vedoris nakas' Kanepi Nuurikeskus iinotsan Annika Ladvaga, kiä avit' viiä langakottõ ja rõõmsat tüükõrraldust ka tõisilõ nuurikeskuisilõ.

Kampa tulli' kümne (Põlva linna, Veriora, Vastse-Kuuste, Ahja, Orava, Röpina, Väraska, Kanepi, Valgjärve ja Põlva valla) nuurikeskuisi noorõ'. Katõ kuuga poimiti kokko kuus kilomiitret langa - valmis sai 4000 käepaila ja 200 rosetti 3300 esinejäle ja 200 pidokõrraldajalõ ja koorijuhilõ.

Seokõrdsõ' vällävalitu' värmi' kogoti kokko Põlva kihlkunna pruntsitriipõ päält. Suvõtaiva ja rüälilli karva sinist ja lihtsät sügävät pruuni om küländd Eestimaa luudusõn, a ka mi vannul rahvarõivil.

Annika Ladva arvatõn oll' nuuri tegemiisin huugu ja lusti ja ka halli', viil keväjä-utmisõn päävä' lätsi' meisterdäden kipõmbahe. Täambädses om Uma Pido joba peris lähkühe poimit ja uut kõiki umakultuuri ja -juurihuviliisi 29. mail Põlvahe Indsikurmu.

Teedüs:

Annika Ladva

Uma Pido vabatahtlike tüü päälük

annika.ladva@gmail.com

Tel 5172799

www.umapido.ee

Pressiteedüse and edesi:

Mari-Liisa Parder

II Uma Pido kommunikatsioonijuht

mariliisa.p@gmail.com

Tel: 50 52 517